



1. februar 2023

Inatsisartut ingerlatsinermut maleruagassaanni § 37 imm. 1 tunngavigalugu Naalackersuisunut ukuningga apeqquteqaateqarpunga:

Naalackersuisunut apeqquteqaatit:

- 1. Piffissami 2020-2023 nunatsinni meeqqat inuusuttullu pineqartillugit Danskit naalackersuisuisa 80 million koruunit nukittorsaanissamut immikkoortissimavaat. Taakkunani aningaasani qanoq annertutigisut meeqqanut toqqaannartumik, soorlu neqerooruteqarnikkut, atorineqarsimanersut Naalackersuisut tigussaasumik ersarissaanissaat piumasarineqarpoq.**
 - a. Danskit naalackersuisuiniit 80 million koruunit ikiersiissutitut tunniunneqarsimasunit meeqqanut inuusuttunullu tigussaasunik suut neqeroorutigineqarsimasut, Naalackersuisut allattorsimaffiliussasut piumaffigineqarput.**
 - i. Neqeroorutigineqartuni taakkunani meeqqat inuusuttullu ikiortariiallit qassit atuisimappat?**
- 2. 80 million koruuniniit pisortat ingerlatsinerannik annertusaanernut, sulisussanik atorfinitsitsinikkut akissarsititsinernut, aningaasat qassit atorineqarsimappat?**
 - a. Pisortat ingerlatsineranni annertusaasimaneq tamanna ataannartussatut pilersaaruteqarfigineqarnerluni?**
- 3. Naalackersuisut sammisamut allanik paasissutissiisinaanerlutik?**

(Inatsisartunut ilaasortaq Anna Wangenheim, Demokraatit)

Tunngavilersuut

Meeqqanut, Inuusuttunut Ilaqutariinnullu Naalackersuisoq 31. januar ima qulequtalimmik tusagassiortunut nalunaaruteqassalluni pisariaqartissimavaa: "Taakku 80.nio.kr.-nit soorunami meeqqanut atorineqassapput".

Tusagassiortunullu nalunaarut atuarluaraanni taamatut nalunaaruteqarneq ersarlutsitsilerpoq. Meeqqanut, Inuusuttunut Ilaqutariinnullu Naalackersuisoq taakku 80 million koruunit toqqaannartumik toqqaannangitsumilluunniit meeqqat nuannaarutigissaneraat immikkoortissinnaasimanngikkaa atuarneqarsinnaavoq. Tamanna ernumanartoqarpoq, Meeqqanut Inuusuttunut Ilaqutariinnullu Naalackersuisoq tusagassiortunut nalunaarutiminni aningaasat taakku tamarmik toqqaannangitsumik nuannaarutigineqassasut takuneqarsinnaammat.

Naalackersuisuttaaq meeqqanut inuusuttunullu kinguaassiuutitigut kanngutsaatsuliortartunut ikiorserneqarnissamik katsorsaavissaannik pilersitsinissamut, suliat ikilisarnissaannut, meeqqanut angalasussanik aammalu siusinaartumik pinaveersaartitsinissamut suliniutissanut allaat immikkut saqqummiuppaa.



Suliniutit taakkoqqissaat meeqqat ikiortariallit maannakkorpiaq ulluinnarni inuunerinnerulernissamut, imaqarnerulernissaanut nuannaalernissaminnullu pissarsissutigisinnaangilaat. Danskit naalackersuisuiniit 80 million koruunit tunniunneqarsimasut, meeqqat inuusuttullu pisariaqartitsisunut neqeroorutigut tigussaasut suut pigilersimaneraat paaserusunneruara.

Isumaqarpunga suliamut uunga tunngatillugu Naalackersuisut tigussaasunik paasissutissiisariaqartut, naammangilarmi taamatut tusagassiortunut nalunaaruteqarnikkut inuiaqatigiinni ajornannginaaraluni nuannarineqarnissamik aallerneq.

Taakku apeqqtinnut tunuliaqutaapput, apeqqtit ullut qulit suliffiusut iluanni akineqareersimanissaat kissaatigaara.